

Agencija za razvoj visokog obrazovanja  
i osiguranje kvaliteta/kvalitete  
Bosne i Hercegovine  
Banja Luka



Агенција за развој високог образовања  
и обезбеђивање квалитета  
Босне и Херцеговине  
Бања Лука

Agency for Development of Higher Education and Quality Assurance of Bosnia and Herzegovina

Broj: 05-33-1-25- 9/20  
Banja Luka, 13.07.2020. godine

Na osnovu člana 49. alineja 4) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), u postupku akreditacije visokoškolske ustanove **Internacionalni univerzitet u Travniku**, na osnovu prijedloga Ministarstva obrazovanja, nauke, kulture i sporta Srednjobosanskog kantona, direktor Agencije za razvoj visokog obrazovanja i osiguranje kvaliteta Bosne i Hercegovine donosi

### R J E Š E N J E

**o imenovanju Komisije domaćih i međunarodnih stručnjaka  
koji daju ocjenu i obavljaju reviziju kvaliteta i daju preporuke o akreditaciji  
visokoškolske ustanove Internacionalni univerzitet u Travniku**

1. Imenuje se Komisija domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova (u daljnjem tekstu: Komisija stručnjaka) u postupku akreditacije visokoškolske ustanove **Internacionalni univerzitet u Travniku** u sljedećem sastavu:
  - 1) *Prof. dr Edin Berberović*, predstavnik akademske zajednice u BiH - predsjednik Komisije stručnjaka;
  - 2) *Prof. dr Ivo Čolak*, predstavnik akademske zajednice u BiH, član Komisije stručnjaka;
  - 3) *Prof. dr Ivan Balta*, međunarodni stručnjak, član Komisije stručnjaka;
  - 4) *Venera Simonović*, predstavnik privrede i prakse, član Komisije stručnjaka;
  - 5) *Dajana Đurašinović*, student, član Komisije stručnjaka
2. Komisija stručnjaka iz tačke 1. u postupku akreditacije postupat će na osnovu Okvirnog zakona o visokom obrazovanju u Bosni i Hercegovini (u daljnjem tekstu: Okvirni zakon), Odluke o normama kojima se određuju minimalni standardi u području visokog obrazovanja („Službeni glasnik BiH“, broj 100/11 i 26/19), Odluke o kriterijima za akreditaciju visokoškolskih ustanova u Bosni i Hercegovini („Službeni glasnik BiH“, br. 96/16), drugih dokumenata Agencije za razvoj visokog obrazovanja i osiguranje kvaliteta Bosne i Hercegovine (u daljnjem tekstu: Agencija) kojima je uređen postupak akreditacije, kao i propisima Ministarstva obrazovanja, nauke, kulture i sporta Srednjobosanskog kantona, koji su usklađeni sa Okvirnim zakonom i dokumentima Agencije uključujući i propise o kvantitativno normiranim kriterijima ljudskih i materijalno-tehničkih resursa neophodnim za rad visokoškolskih ustanova i izvođenje studijskih programa, posebno onih koji se realiziraju „na daljinu“.

3. Komisija stručnjaka dužna je u roku od najduže 30 dana od posjete visokoškolskoj ustanovi sačiniti nezavisan Izvještaj o eksternoj evaluaciji visokoškolske ustanove koji treba biti napisan jasno i razumljivo, na jednom od službenih jezika u Bosni i Hercegovini i na engleskom jeziku, bez oznaka (memorandum, logotip i dr.) nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta koje upućuje na zavisnost rada Komisije stručnjaka od navedenih i drugih subjekata.
4. Komisija stručnjaka dužna je konačni Izvještaj o eksternoj evaluaciji visokoškolske ustanove dostaviti Agenciji.
5. Za koordinatora u postupku akreditacije visokoškolske ustanove **Internacionalni univerzitet u Travniku** imenuje se Maja Macan, viši stručni saradnik za osiguranje kvaliteta.
6. Rješenje se dostavlja imenovanim članovima Komisije stručnjaka i nadležnoj obrazovnoj vlasti radi zaključivanja ugovora sa svakim članom Komisije stručnjaka kojim se preciznije uređuju prava i obaveze ugovornih strana, utvrđeni tačan iznos naknade za rad Komisije stručnjaka i rok isplate koji ne može biti prije izdavanja preporuku o ishodu akreditacije od strane Agencije.
7. Rješenje stupa na snagu danom donošenja.

### **O b r a z l o ž e n j e**

Ministarstvo obrazovanja, nauke, kulture i sporta Srednjobosanskog kantona, (u daljnjem tekstu: Ministarstvo SBK) dostavilo je Zahtjev za reakreditaciju **Internacionalnog univerziteta u Travniku**, broj: 03-38-170/19 od 14.01.2020. godine (u Agenciji zaprimljeno 21.01.2020.godine) u kojem je predloženo da Agencija za razvoj visokog obrazovanja i osiguranje kvaliteta Bosne i Hercegovine imenuje Komisiju stručnjaka koja će obaviti posjetu predmetnoj visokoškolskoj ustanovi i, na osnovu utvrđenog stanja, dati mišljenje o ishodu akreditacije predmetne visokoškolske ustanove. Zahtjev je sadržavao prijedlog od šest predstavnika akademske zajednice u BiH, četiri predstavnika privrede i prakse, četiri predstavnika međunarodnih stručnjaka, tri predstavnika studenata.

Agencija je u skladu sa Instrukcijom o imenovanju Komisije stručnjaka, kontaktirala sve predložene stručnjake gdje je jedan stručnjak iz reda akademske zajednice u BiH potvrdio dostupnost i nepostojanje sukoba interesa, dva predstavnika privrede i prakse, tri međunarodna stručnjaka i tri predstavnika studenata.

Shodno tome, Agencija je dana 24.02.2020. godine od nadležnog ministarstva tražila dopunu od tri stručnjaka za kategoriju predstavnika akademske zajednice u BiH. Dana 20.03.2020. godine Agencija je od nadležnog ministarstva Srednjobosanskog kantona zaprimila Dopunu prijedloga za imenovanje komisije stručnjaka od tri stručnjaka za kategoriju predstavnika akademske zajednice u BiH. S obzirom da se iz navedene Dopune prijedloga iz ove kategorije javio se samo jedan stručnjak koji je nedavno već imenovan u Komisiju za drugu visokoškolsku ustanovu, u što je otežavajuće za kvalitet realizacije povjerenog zadatka da u dvije Komisije, u ovom vremenskom periodu. U tom smislu Agencija je dana dopisom 05-33-1-25-7/20 od 28.05.2020. godine zatražila novu dopunu prijedloga članova Komisija stručnjaka, sa utvrđene Liste stručnjaka sa tri nova predstavnika iz akademske zajednice BiH.

Cijeneći sadržaj podnesenog prijedloga broj: 03-38-170/19 od dana 14.01.2020. godine i dopune prijedloga: 03-38-170/19-2 od 04.03.2020. g. i 03-38-170/19-7 od 10.06.2020. g., a postupajući u skladu s Instrukcijom o načinu imenovanja komisije stručnjaka za akreditaciju, 05-02-1-71-1/16 od 28.1.2016. godine Agencija je utvrdila sljedeće činjenično stanje. Na osnovu uvida u Listu stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa, koja je dostupna na internet stranici Agencije, utvrđeno je da se predloženi članovi Komisije nalaze na utvrđenoj Listi stručnjaka. Dalje, provjerom dostupnosti predloženih stručnjaka i sukoba interesa u pogledu visokoškolske ustanove koja je predmet eksterne evaluacije, utvrđeno je da dovoljan broj predloženih stručnjaka je dostavio dokaz o nepostojanju sukoba interesa s visokoškolskom ustanovom koja je predmet eksterne evaluacije, kao i dokaz o dostupnosti u narednom periodu u kojem se ima obaviti posjeta visokoškolskoj ustanovi i sačiniti Izvještaj o eksternoj evaluaciji visokoškolske ustanove.

Komisija stručnjaka u postupku akreditacije visokoškolske ustanove **Internacionalni univerzitet u Travniku** dužna je primjenjivati Okvirni zakon kojim su propisane nadležnosti učesnika u postupku akreditacije, Odluku o normama kojima se određuju minimalni standardi u području visokog obrazovanja u Bosni i Hercegovini (u daljnjem tekstu: Odluka o normama) kojim je detaljnije regulisan način rada komisije stručnjaka i sadržaj Izvještaja o eksternoj evaluaciji.

Dalje, Komisija stručnjaka dužna je primjenjivati Odluku o kriterijima za akreditaciju visokoškolskih ustanova u Bosni i Hercegovini („Službeni glasnik BiH“, broj: 96/16), kojom su utvrđeni kriteriji čiju ispunjenost provjerava Komisija prilikom posjete visokoškolskoj ustanovi i ocjenu usaglašenosti visokoškolske ustanove sa kriterijima Komisija stručnjaka detaljno opisuje u svom Izvještaju uzimajući u obzir i utjecaj postojećih kvantitativno normiranih indikatora ljudskih i materijalno-tehničkih resursa ustanove na ispunjenost kriterija broj 5 i 6.

Također, Komisija stručnjaka u svom radu primjenjivat će i zakonske i podzakonske akte koji regulišu oblast osiguranja kvaliteta visokoškolskih ustanova na području Srednjobosanskog kantona koji su usklađeni sa Okvirnim zakonom i dokumentima Agencije uključujući i propise o kvantitativno normiranim kriterijima ljudskih i materijalno-tehničkih resursa neophodnim za rad visokoškolskih ustanova i izvođenje studijskih programa, posebno onih koji se realiziraju „na daljinu“.

Odlukom o normama propisano je da vanjsko osiguranje kvaliteta treba biti organizirano tako da se odluke o kvalitetu donose nezavisno od nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta, izbjegavajući bilo koji sukob interesa. Slijedom navedenog, imenovana Komisija stručnjaka, kao nezavisno tijelo, dužna je sačiniti Izvještaj o eksternoj evaluaciji koji treba biti napisan jasno i razumljivo, na jednom od službenih jezika u Bosni i Hercegovini i na engleskom jeziku, bez oznaka (memorandum, logotip i dr.) nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta koje upućuje na zavisnost rada Komisije stručnjaka od navedenih i drugih subjekata.

Konačan Izvještaj o eksternoj evaluaciji Komisija stručnjaka dostavlja Agenciji. Na osnovu dostavljenog Izvještaja o eksternoj evaluaciji, u kojem je sadržano mišljenje Komisije stručnjaka o ishodu akreditacije visokoškolske ustanove, Agencija daje preporuku o ishodu akreditacije nadležnoj obrazovnoj vlasti na osnovu koje se donosi rješenje o ishodu akreditacije visokoškolske ustanove.

Ovo Rješenje se dostavlja imenovanim članovima Komisije stručnjaka i nadležnoj obrazovnoj vlasti radi zaključivanja ugovora sa svakim članom Komisije kojim će se preciznije regulisati prava i obaveze ugovornih strana, utvrđeni tačan iznos naknade za rad Komisije stručnjaka i rok isplate koji ne može biti prije izdavanja preporuku o ishodu akreditacije od strane Agencije.

**Pravna pouka:**

Protiv ovog Rješenja može se izjaviti prigovor direktoru Agencije u roku od 8 dana od dana prijema.

**Dostavljeno:**

1. Imenovanim članovima  
Komisije stručnjaka,
2. Ministarstvu SBK
- ③ Sektoru 05
4. arhivi

**DIREKTOR**

*Prof. dr. Enver Halilović*  
**Prof. dr. Enver Halilović**

